



'Pokazani su mi Džennet i Vatra. Nikada kao danas ne vidjeh većeg dobra niti goreg zla. Kada biste znali ono što ja znam, malo biste se smijali, a mnogo biste plakali.'

Enes, radijallahu 'anhu, veli: "Do Poslanika je stigla neka vijest o njegovim ashabima, pa je održao govor prilikom kojeg je kazao: 'Pokazani su mi Džennet i Vatra. Nikada kao danas ne vidjeh većeg dobra niti goreg zla. Kada biste znali ono što ja znam, malo biste se smijali, a mnogo biste plakali.' Ashabima nikada nije bilo neugodnije kao tom prilikom, pokrili su svoje glave i jecali od plača. Tada Omer ustade i reče: 'Zadovoljni smo da nam Allah bude Gospodar, islam vjera, a Muhammed vjerovjesnik.' Potom ustade jedan čovjek i upita: 'Ko je moj otac?' Reče mu: 'Tvoj otac je taj i taj.' Tada je objavljen ajet: 'O vjernici, ne zapitkujte o onome što će vam pričiniti neprijatnosti ako vam se objasni.'"

(El-Maide, 101).

[صحيح] [متفق عليه]

Do Poslanika, sallallahu alejhi ve sellem, doprla je vijest o nečemu što su činili njegovi ashabi, a to je da su mu često postavljali pitanja. Zbog toga se naljutio, pa je održao hutbu i rekao: "Prikazani su mi Džennet i Džehennem. Nikada kao danas ne vidjeh većeg dobra u Džennetu niti goreg zla u Džehennemu. Kada biste znali ono što ja znam i vidjeli ono što sam ja vidio, doista biste se silno uplašili, malo biste se smijali, a mnogo biste plakali." Enes reče: "Nijedan dan nije bio teži ashabima, radijallahu anhum, od tog dana. Pokrivali su svoja lica, a iz njihovih grla čuo se jecaj, s prizvukom kroz nos, od silnog plača." Tada je Omer ustao i rekao: "Zadovoljni smo Allahom kao Gospodarom, islamom kao vjerom i Muhammedom kao poslanikom." Reče: "Tada ustade onaj čovjek i upita: 'Ko je moj otac?' On odgovori: 'Tvoj otac je taj i taj', pa je objavljen ajet: "O vjernici, ne zapitkujte o onome što će vam pričiniti neprijatnosti ako vam se objasni." (El-Maide, 101).

<https://www.sunnah.global/hadeeth/bs/show/4814>

